



**PELAJAR Kolej Kediaman 1 Borneo bergambar sempena program gotong-royong.**

# KKU1B laksana Pogram Gotong Royong Perdana

UB 12.4.2018 B2

**KOTA KINABALU:** Kolej Kediaman Usia (KKU) 1Borneoberjayamelaksanakan Program Gotong Royong Perdana bertempat di Kolej Kediaman Usia 1Borneo dengan kerjasama Pihak Pengurusan Kolej Kediaman Usia 1Borneo, kakitangan Pertubuhan Islam Seluruh Sabah (Usia) dan pelajar Kolej Kediaman Universiti Malaysia Sabah (UMS).

Program anjuran Bahagian Perumahan Pelajar ini mendapat sambutan ramai memandangkan program ini diadakan secara serentak bersama dengan kolej-kolej kediaman Universiti Malaysia Sabah.

Pengarah Program Nurul Hazierah Ahmad berkata, program ini adalah untuk memastikan pelajar UMS bebas dan selamat daripada serangan nyamuk aedes selaras dengan temanya 'Amalkan Budaya Bersih, Jauhi Aedes, Hidup Sejahtera'.

"Menerusi program ini juga, kami dapat menerangkan tips tentang pembasmian nyamuk di sekitar kawasan rumah pelajar. Selain itu, kami juga dapat menyedarkan residen



**ANTARA mahasiswi yang mengambil bahagian dalam program itu.**

tentang bahaya denggi dan kesan-kesannya.

"Aktiviti seperti ini penting untuk dilaksanakan bagi membentuk residen yang bertanggungjawab dan prihatin terhadap persekitaran mereka dan bertindak dengan segera," katanya.

Sementara itu, Penasihat Program Norhanieyati Norhaizat berkata, Gotong Royong Perdana ini merupakan usaha yang baik bagi memastikan Kolej Kediaman Usia 1Borneo sentiasa berada di dalam keadaan yang bersih dan

bebas daripada nyamuk aedes di samping meningkatkan kesejahteraan hidup pelajar di dalam kolej.

Katanya, beliau akan terus menyokong terhadap program seperti itu agar kesihatan pelajar sentiasa terjaga dan terjamin.